



Broj: 01,02,03/11, 04/8-05-2-746/83
Sarajevo, 4. 05. 2023.

**IZVJEŠĆE SA SASTANKA ODBORA ZA POLITIČKA PITANJA, SIGURNOST I
LJUDSKA PRAVA PARLAMENTARNE SKUPŠTINE UNIJE ZA MEDITERAN
NIKOZIJA (REPUBLIKA KIPAR), 28. APRIL 2023.**

Zastupnica u Zastupničkom domu Parlamentarne skupštine Bosne i Hercegovine i članica Izaslanstva PSBiH u Parlamentarnoj skupštini Unije za Mediteran, Rejhana Dervišević sudjelovala je 28.4.2023. na sastanku Odbora za politička pitanja, sigurnost i ljudska prava PSUzM, koji je održan u Nikoziji (Republika Cipar).

Zastupnica Dervišević obratila se članovima Odbora u okviru diskusije o značaju energetske sigurnosti, sigurnosti voda i uticaju snabdijevanja energentima i vodom na stabilnost država članica ove međunarodne multilateralne organizacije koja okuplja države članice Europske unije, zemlje Bliskog istoka i sjeverne Afrike, te Albaniju, Crnu Goru i Bosnu i Hercegovinu, kao balkanske i mediteranske zemlje.

Dervišević je ocijenila da države članice PSUzM dijele iste probleme kad je riječ o proizvodnji čiste energije, kao i sigurnosti energetskog snabdijevanja. Prema njenim riječima, Bosna i Hercegovina raspolaže veoma značajnim hidropotencijalom, kao i resursima za proizvodnju energije iz obnovljivih izvora. Upozoravajući na činjenicu da ti potencijali, kao i u većini europskih država, nisu iskorišteni u dovoljnoj mjeri, Dervišević je naglasila da su investicije u ovom području potrebne, dobrodošle i isplative, posebno u području korištenja obnovljivih izvora energije. Navela je i činjenicu da naša zemlja, prema ranije provedenim istraživanjima, posjeduje i značajne geotermalne resurse koji se, uz finansijska ulaganja u dodatna istraživanja, također mogu koristiti za proizvodnju čiste energije.

Dervišević je izrazila nadu da će sve države članice euromediteranskog partnerstva razumjeti ozbiljnost situacije i sve snažniji negativni uticaj klimatskih promjena na pitanje energetske stabilnosti i stabilnosti snabdijevanja vodom. S tim u svezi, kazala je kako se radije budućoj

suradnji u okviru PSUzM na ovom i svim drugim aktualnim političkim i ekonomskim pitanjima, te izazovima s kojima se suočavaju europske i euromediteranske države.

Jelena Rajaković

šef Odjela za bilateralne odnose

*Izvješće odobrila Rejehana Dervišević, zastupnica u PSBiH i članica Stalog izaslanstva PSBiH u PAUzM

Dostaviti:

- Kolegiju Zastupničkog doma
- Kolegiju Doma naroda
- Stalnom izaslanstvu PSBiH u PSUzM
- Povjerenstvu za vanjske poslove Zastupničkog doma
- Kolegiju Tajništva PSBiH
- Sektoru za međunarodne odnose i protokol

Kopija: Ministarstvo vanjskih poslova BiH